

Wie man das Silber auß dem  
Scheidewasser sol bringen / welches  
Calx Lunæ genant wird.

**N**ur das Silber wider aus dem  
Scheidewasser bringen / so mustu  
nemen ein rein kuppfern Becken /  
oder rein Kupffer / welches keine Fetzigkeit  
bey sich hat / geus in dasselbe Becken / da  
du eine Kanne Scheidewassers hast / 6.  
Kannen rein Wasser / vnd ein wenig gegos-  
sen Salz / vnd laß es lahlich werden /  
Als denn geuß das Scheidewasser darinn /  
vnd rühr es vmb mit einem reinen holze /  
so wird das Wasser blettericht / vñ f. It das  
Silber zu boden / wie Käse Warten / Laß  
es also einē halben Tag oder lang r stehen /  
so versamlet sich dasselbe Silber / vnd wird  
dasselbe wie Moosen blatte / vnd das setze  
ab / behalt es dann / es ist gut fürzuschla-  
gen / wann du ander Scheidewasser bren-  
nest. Als denn wasche einmal oder etliche  
den Silber kalck / mit lahlichem Wasser /  
biß die Schwerffe des Scheidewassers weg  
ist / darnach laß ihn trucken werden in ein  
R. iij. Test.